

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-236/17
Vareš, 30.11. 2017. godine**

Na osnovu člana 33. stav 2. i člana 34. Zakona o pravobranilaštvu („Službene novine ZE-DO kantona“, broj:12/13), člana 4. i 8. Odluke o osnivanju pravobranilaštva Općine Vareš broj: 01-180/15 od 30.11.2015.godine i člana 22. Statuta Općine Vareš (prečišćeni tekst) broj: 01-162/12 od 11.09.2012.godine, na prijedlog Općinskog načelnika, Općinsko vijeće Vareš na 12.sjednici, održanoj 30.11.2017.godine, d o n o s i

R J E Š E N J E
**o imenovanju zamjenika općinskog pravobranioca u Općinskom pravobranilaštvu
Općine Vareš**

I

ARNAUTOVIĆ DAMIR, diplomirani pravnik imenuje se za zamjenika općinskog pravobranioca u Općinskom pravobranilaštvu Općine Vareš.

II

Imenovani se imenuje za zamjenika općinskog pravobranioca u Općinskom pravobranilaštvu Općine Vareš bez ograničenja mandata.

III

Rješenje stupa na snagu danom donošenja, a objavit će se na oglasnoj ploči Općine Vareš.

**PREDSJEDAVAJUĆI
OPĆINSKOG VIJEĆA**

Kenan Kamenjaš

O B R A Z L O Ź E N J E

PRAVNI OSNOV

Pravni osnov za donošenje Rješenja sadržan je u članu 8. Odluke o osnivanju općinskog pravobranilaštva Općine Vareš kojim je propisano da općinskog pravobranioca i njegovog zamjenika imenuje i smjenjuje Općinsko vijeće na prijedlog načelnika, te u članu 22. Statuta Općine Vareš, kojim je propisano da Općinsko vijeće donosi odluke, druge propise i opće akte iz svoje nadležnosti u skladu sa Zakonom.

RAZLOZI DONOŠENJA

Već duže od dvije godine Općina Vareš nema Općinskog pravobranioca niti zamjenika općinskog pravobranioca. S obzirom na veliku potrebu i nagomilane predmete iz nadležnosti Općinskog pravobranilaštva načelnik Općine Vareš je, na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“, broj: 12/03; 34/03; i 65/13), a u vezi sa članom 33. stav 2 i članom 35. tačka 2. Zakona o pravobranilaštvu („Službene novine ZE-DO kantona“, broj: 12/13), raspisao Javni oglas u „Službenim novinama Federacije BiH“, broj: 77/17, od 11.10.2017.godine, u dnevničkim novinama Oslobođenje servisi d.o.o. i „Naša riječ“, za upražnjenu poziciju zamjenika općinskog pravobranioca Općine Vareš, a u skladu sa članom 8. Odluke o osnivanju općinskog pravobranilaštva Općine Vareš u kojem je propisano da pravobranioca i zamjenika pravobranioca imenuje i smjenjuje Općinsko vijeće na prijedlog načelnika.

Komisija za provođenje Javnog oglasa za imenovanje na upražnjenu poziciju zamjenika općinskog pravobranioca Općine Vareš provela je proceduru izbora zamjenika općinskog pravobranioca Općine Vareš, koja je u skladu sa odredbama Zakonom o ministarskim, vladinim i drugim imenovanjima Federacije BiH.

Na oglas za upražnjenu poziciju zamjenika općinskog pravobranioca Općine Vareš prijavila su se dva (2) kandidata.

Komisija je utvrdila da jedan kandidat ispunjava propisane uvjete a to je:

- **ARNAUTOVIĆ DAMIR.**

Drugi kandidat ne ispunjava uvjete u pogledu radnog iskustva od tri (3) godine nakon položenog pravosudnog ispita.

Utvrđena je rang lista kandidata za upražnjenu poziciju zamjenika općinskog pravobranioca Općine Vareš.

Nakon provedene procedure dostavljanja pismene preporuke i rang liste od strane Komisije za provođenje Javnog oglasa za imenovanje na upražnjenu poziciju zamjenika općinskog pravobranioca Općine Vareš, Načelnik Općine Vareš predložio je Općinskom vijeću imenovanje **Arnautović Damira**, koji je prvi na rang listi, za poziciju zamjenika općinskog pravobranioca Općine Vareš, obzirom da predloženi kandidat ispunjava sve uvjete u raspisanom Javnom oglasu.

Imajući u vidu naprijed navedeno Općinsko vijeće Općine Vareš donijelo je ovo Rješenje.

FINANSIJSKA SREDSTVA

Finansijska sredstva potrebna za realizaciju ovog rješenja obezbijedena su u Budžetu Općine Vareš za 2017.godinu.

**OVLAŠTENI PREDLAGAČ
OPĆINSKI NAČELNIK**

Zdravko Marošević